

UPRAVA DRUŠTVA

Broj: U.D.-01.-04.-16777/25
Sarajevo, 12.06.2025. godine

Na osnovu člana 45. Statuta, člana 70. stav (3) Zakona o javnim nabavkama BiH ("Službeni glasnik BiH" broj: 39/14 i 59/22), člana 18., stav (3), Pravilnika o javnim nabavkama „JP BH POŠTA“ d.o.o. Sarajevo, Pravilnika o uslovima i načinu korištenja e-aukcije ("Službeni glasnik BiH" broj: 80/23), i preporuke Komisije za javnu nabavku i isporuku čvrstog goriva-peleta za Centar pošta Goražde, broj: 07.4-11-9-7691-20/25, od 02.06.2025. godine, Uprava Društva na 99. sjednici održanoj dana 12.06.2025. godine, d o n o s i:

**ODLUKU
O IZBORU NAJPOVOLJNIJEG PONUĐAČA**

I

U postupku javne nabavke i isporuke čvrstog goriva-peleta za Centar pošta Goražde, ovom odlukom se vrši izbor najpovoljnijeg ponuđača „ENSABH“ d.o.o. Srbac, sa ukupnom vrijednošću ugovora u iznosu u iznosu od 9.990,00 KM, bez uračunatog PDV-a, odnosno 11.688,30 KM, sa uračunatim PDV-om.

II

Izabrani ponuđač je dužan u roku od 5 dana od dana prijema od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslati. Dokazi koji se zahtijevaju moraju biti originali ili ovjerene kopije.


III

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

O B R A Z L O Ž E N J E

Na osnovu Odluke o pokretanju postupka javne nabavke i isporuke čvrstog goriva-peleta za Centar pošta Goražde, broj: U.D. 01.04-11-9-12345/25, od 15.04.2025. godine, sa procijenjenom vrijednošću nabavke u iznosu od 10.000,00 KM, bez uračunatog PDV-a i Rješenja Generalnog direktora za provođenje postupka nabavke i isporuke čvrstog goriva-peleta za Centar pošta Goražde, (u daljem tekstu: Komisija), broj: 01-11-9-7691-2/25, od 16.04.2025. godine, proveden je otvoreni postupak za dostavljanje ponuda javne nabavke i isporuke čvrstog goriva-peleta za Centar pošta Goražde i to objavljivanjem Obavještenja o nabavci na Portalu javnih nabavki, broj: 238-1-1-86-3-97/25, od 07.05.2025. godine.

Komisija je konstatovala da je u postupku nabavke i isporuke čvrstog goriva-peleta za Centar pošta Goražde, dana 28.05.2025. godine, obavljeno javno otvaranje ponuda o čemu je sačinjen zapisnik o otvaranju ponuda, broj: 07.4-11-9-7691-18/25. Zapisnik je poslan na e-maile ponuđača: info@ensabh.com; tenderi@lumberjack.ba.



Sastanku su prisustvovali svi članovi komisije imenovani Rješenjem Generalnog direktora, broj: 01-11-9-7691-2/25, od 16.04.2025. godine.

Komisija je prije samog otvaranja ponuda konstatovala sljedeće:

- da je tenderska dokumentacija objavljena na Portalu javnih nabavki;
- da je ukupno 10 (deset) potencijalnih ponuđača preuzelo tendersku dokumentaciju sa Portala javnih nabavki;
- da su do roka za dostavljanje ponuda pristigle ukupno 2 (dvije) ponude;
- da su koverta sa ponudama neoštećene, uredno zapakovane i zapečaćene;
- da je na kovertu stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust.

Komisija je utvrdila da su na Protokol ugovornog organa, do roka određenog za prijem ponuda, pristigle ponude slijedećih ponuđača, i to:

1. „ LUMBERJACK “ d.o.o. Sarajevo


2. „ ENSABH “ d.o.o. Srbac

Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanja ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te je prilikom analize ponuda prema redoslijedu prispjeća konstatovala sljedeće:

1. Ponuda ponuđača „ LUMBERJACK “ d.o.o. Sarajevo, sa ukupnom vrijednošću ponude, bez uračunatog PDV-a u iznosu od **10.000,00 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.
2. Ponuda ponuđača „ ENSABH “ d.o.o. Srbac, sa ukupnom vrijednošću ponude, bez uračunatog PDV-a u iznosu od **10.000,00 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.

Na osnovu gore navedenog, a shodno utvrđenom kriteriju „najniža cijena“, komisija utvrđuje rang-listu ponuđača, koji su ispunili kvalifikacione uslove, sa uračunatim popustom i bez PDV-a, kako slijedi:

Red. br.	Naziv ponuđača	Ukupna cijena ponude bez PDV-a, (KM)
1.	„ LUMBERJACK “ d.o.o. Sarajevo	10.000,00 KM
2.	„ ENSABH “ d.o.o. Srbac	10.000,00 KM



Poštujući uslove tenderske dokumentacije kojom je predviđeno održavanja e-aukcije, a sve u skladu sa Pravilnikom o uslovima i načinom korištenja e-aukcije ("Službeni glasnik BiH", broj: 80/23), Komisija je zakazala e-aukciju na portalu Javnih nabavki (www.ejn.gov.ba) za dan 02.06.2025. godine sa početkom u 11:30 sati i predviđenim početnim trajanjem e-aukcije od 10 minuta.

Nakon okončane e-aukcije koja je trajala 10 minuta (Izveštaj o toku i završetku e-aukcije u prilogu), a shodno utvrđenom kriteriju „najniža cijena“, Komisija konstatuje da je:

- cijena ponude ponuđača „ LUMBERJACK “ d.o.o. Sarajevo, u iznosu od 10.000,00 KM bez PDV-a, identična u odnosu na cijenu početne ponude.
- cijena ponude ponuđača „ ENSABH “ d.o.o. Srbac, u iznosu od 9.990,00 KM bez PDV-a, manja za 0,1%, u odnosu na cijenu početne ponude koja je iznosila 10.000,00 KM bez PDV-a.


Nakon svega gore navedenog te provedene e-aukcije, utvrđena je konačna rang lista ponuđača koji su ispunili kvalifikacione uslove i to kako slijedi:

Red. broj	Naziv ponuđača	Ukupna cijena ponude bez PDV-a, (KM)
1.	„ ENSABH “ d.o.o. Srbac	9.990,00 KM
2.	„ LUMBERJACK “ d.o.o. Sarajevo	10.000,00 KM

Obzirom da ponuda ponuđača „ ENSABH “ d.o.o. Srbac u potpunosti odgovara traženim zahtjevima ugovornog organa, tj. da ovaj ponuđač ispunjava sve formalno-pravne, tehničke i ekonomske uslove, tj. zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u postupku nabavke i isporuke čvrstog goriva-peleta za Centar pošta Goražde, izvrši dodjela ugovora navedenom ponuđaču, kao najpovoljnijem, a koji je ponudio najnižu cijenu prihvatljive ponude, u iznosu od 9.990,00 KM, bez uračunatog PDV-a, odnosno 11.688,30 KM, sa uračunatim PDV-om.

Cijeneći navedeno, donesena je Odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.


GENERALNI DIREKTOR
Adis Šehić, dipl.ing.saob.**Dostaviti:**

- Centru pošta Goražde (Nosilac posla);
- Sektoru za ekonomsko finansijske poslove;
- Službi Marketinga (za objavu);
- Ponuđačima putem odjeljenja;
- Odjeljenju za javne nabavke;

